

廣宗縣志序

嘉慶七年壬戌之春廣宗令李君誼源修其縣志成以序文來請余披而閱之徵文考獻綱舉

目張其事燦然其文斐然彬彬郁郁非復舊志之荒畧矣夫縣之不可無志猶國之不可無史也

國有史所以紀朝廷之典章法物以垂後世之經縣有志所以載疆域之山川人物以備輶軒之獻而國史採之以成一代之制作尤不可聽其闕畧然則志之重猶之史而修志之

事之猶之修史自非擅三長之美者
烏能修一邑之志哉李君之望重史
館久矣出其史筆修其志書宜乎其
書之不猶人也余守土於此郡十有
餘年間嘗檢其志乘察其風土各屬
情形知之最稔廣宗地瘠土曠一望

二

黃沙窮民無所資以為恒業故戶口
稀而人多流亡我

國家深仁厚澤培養百數十年土
田日闢生齒日繁顧其俗儉民樸撫
斯土者非煦育噢休不足以奠室家
而滋休息李君蒞任以來愛民如子御

下以寬大憲嘉其治績

天子稱其才能固已政成而績茂矣
嘗以志書殘缺百有餘年為憾慨
然修之暇日集其邑之賢士大夫與其
父老子弟考其山川甲賦物產官師以
及沿革損益網羅舊事運以新裁

三

使殘缺之書一朝美備豈第曰修之
而已乎蓋必能周知一縣之疾苦惠
養一縣之黎元興除一縣之利弊培
植一縣之文風而後可以紀載一縣之
事蹟而一縣之賢士大夫與其父老子
弟方共服其是非之公而筆削之當

是則李君之修志即李君實政之所
存又非僅以三長之筆擅文章之美
也他年採之輜軒錄之史館不惟志
中人物賴以不朽而循良之傳且將
為李君紀之矣

誥授朝議大夫知直隸順德府事
加十級紀錄五次金壇于德裕撰

廣宗縣誌序

嘉慶三年余由詞垣改官授廣宗令冬十月蒞任
士習民風賦役人物一切茫如取縣誌讀之殊多
缺略誌創始於明隆慶辛未邑令張公一修於萬
歷戊戌前令馬公再修於康熙癸酉前令吳公自
吳公編輯後不復續修蓋百有餘年矣予把卷慨
然有重修之意顧下車未久利弊有所未悉土俗
有所未諳上下之情有所未孚而且簿書鞅掌鹿
鹿魚魚即欲徵文考獻據案操觚亦有所未暇蓋

廣宗縣誌序

修書若斯之難也邇來徧歷郊野求問民莫於城
邑疆域之沿革水道隄防之源委士民習俗之醇
疵若何而弊當革若何而害當除若何而利當興
若何而涼薄者可變爲敦厚雖不敢謂周知四境
然而致治之方則已粗有條理矣去冬以讞獄得
情蒙

天子特旨召見超晉官階

聖恩高厚益切悚惶一旦遷擢移官則縣誌之修將不
克遂春初歸自京師簿領稍閑延故老咨薦紳廣

爲採訪詳加考証官師選舉官蹟三誌增補詳叙
燦若列眉尤於人物藝文二誌加意搜剔蓋率氣
貞烈之行爲一邑風化所關而發潛德之幽光表
名賢之事迹揚風抗雅鼓吹休明非文章無以登
之廣宗雖微區固不可忽而不講也其餘體例悉
仍其舊綱舉目張哀然成集百年缺典舉於一旦
非司土者之責而誰責哉嗟乎郡縣之誌猶朝廷
之史也古者陳詩以觀民風今之誌即民風所系
而國史徵之以成一代之制作者也余備員史館

廣宗縣誌序

深愧絲綸

制誥珥筆無才作史以來此事幾廢修志乘脩文獻所
願風俗醇良士民觀感以上副

聖朝設官分職授土牧民之意也若云筆削謹嚴猶不
矢三長之遺意則余滋愧矣

誥授奉直大夫知廣宗縣事候補知州前翰林院編修

盤谷李師舒譔

重修廣宗縣誌各卷小引

輿圖考

古之人左圖右史參互考證高之天文卑之地理遠之九州之外邇之鄉曲之間一名一物展卷瞭然蓋圖所以補史之窮也自有圖而篤學者不可廢即從政者又安可忽而不講哉繪輿圖

卷一

畫井分疆由來舊矣今之縣邑幅幅之廣狹稱名之變異與古迥殊然星宿照臨山川形勝上下千百年猶歷歷可稽也廣宗廣袤百里生齒繁庶風俗醇良非沐浴於

廣宗縣誌序

三

朝廷雅化者深與司土者其亦撫疆里而思保障哉誌

封域

卷二

建置之所闕豈不鉅哉方其始城池廟署倉廩隄防罔不備具火之而頽廢荒蕪日就湮沒甚至泯其迹而莫可攷旁觀太息而當局者且置若罔聞矣舉廢墜修殘缺草故鼎新嗚呼非臨民者之責

誌建置

卷三

傳云有民人焉有社稷焉邑宰之所承之綦重矣顧古之人先成民而後致力於神神道設教凡以爲民也民事之不修而曰吾能事神聰明正直者其吐之矣况於崇淫祀而求利益者乎誌祠祀

卷四

國以民爲本民以食爲天民食所存征稅所由出也宗邑民貧土瘠一望荒沙耕雲鋤雨供正賦而

廣宗縣誌序

養室家厥惟艱哉差徭力役誅求無度民不堪命矣撫字心勞催科政拙尚其緬古人而資政譜也

誌田賦

卷五

且甚哉禮之大也上而朝廷下而草野明而人事幽而鬼神蓋有斯須不可去者世俗日趨簡易婚喪大典過爲脫略幾於賦相鼠而不知矣烏可哉烏可哉有教化之權者當不至委斯責於草莽也

誌典禮

卷六

封建之典莫勝於周自漢以降歷代爵秩不同然
酬庸之義曷常少異哉廣宗彈丸地封爵於斯史
冊中代不乏人雖世遠人湮其名實均不可沒也
誌封爵

卷七

知縣者親民之官也官教之責刑獄之重胥於是
乎在顧朝廷設官猶恐其不能獨理立之師儒以
專其教佐之縣尉以司其獄夫而後縣無廢事邑
令始得總其成焉表而列之蒞茲土者彬彬可致
凡我同寮尚其各勤厥職哉誌官師

卷八

我

國家養育人材登明選公制科之設文武並重善我之
望干城之選遠邁前代矣廣宗其邑然其表見
誠不虛也其他或有薦襲或由掾吏登進之途又
曷嘗以資格限人哉誌選舉

卷九

甚矣作令之難難於政蹟也廣宗置縣自東漢建
此宋千有餘載以蹟著者數人何寥寥若斯也豈
紀載之缺有間與抑亦持祿養驕庸庸碌碌無可
稱述者多與司牧之君子勉乎哉卓魯龔黃之風
固覺去人不遠也誌宦蹟

卷十

造物不域地以生材誠哉是言也宗邑雖微唐宋
以來名賢輩出勛業文章卓卓可傳難矣哉孝氣
貞烈之風彬彬郁郁徧於鄉邑其所由來者遠矣

廣宗縣誌序

六

誌人物

卷十一

春秋脩載變異漢書誌列五行紀灾青所以示修
省者乎我

國家厚澤深仁涵濡萬姓水旱徧灾上厯

宵旰賑卹脩至蓋愛民若斯之誠也吾儕小臣敢不思
廣布

皇仁以弭灾患於無形哉誌禋祥

卷十二

近日修誌者皆以藝文爲不足重而刪之矣嗚呼
何見之謬也有關於城邑祠廟之章固足以紀政
令其或名公巨卿誌銘記傳勝景古蹟詞賦詩歌
可以徵獻於文之中亦可以成化於文之內藝文
之所係亦鉅矣通達政體者當不以斯言爲河漢
也誌藝文

修誌姓氏

總裁

誥授奉直大夫知廣宗縣事候補知州前翰林院編

修李師舒河南濟源縣人

協修

儒學

教

論

郭泰才

博野縣人

訓導

馬昉

靈壽縣人

董梓

典

史

任世爵

安徽人

廣宗縣誌序

八

校讐

歲

貢

生

馬元英

恩

貢

生

楊士傑

歲

貢

生

楊玉德
張無慧

廩

膳

生

劉雲縉

丁酉

科

拔貢

生

姜名儒

歲

貢

生

張家聲
張田

乙酉

科

拔貢

生

王士醇

辛酉

科

拔貢

生

呂上沅

廣宗縣誌目錄

圖考

封域誌卷之一

建置誌卷之二

祠祀誌卷之三

田賦誌卷之四

典禮誌卷之五

封爵誌卷之六

官師誌卷之七

廣宗縣誌序

選舉誌卷之八

官蹟誌卷之九

人物誌卷之十

稷祥誌卷之十一

藝文誌卷之十二

廣宗縣誌圖

誥授奉直大夫知廣宗縣事候補知州前翰林院編

修李師舒河南濟源縣人

輿圖考

星野圖

區域圖

縣城圖

天家建邑百里分符城郭廟社形勝規模繪此尺幅


表正方隅作我屏翰鞏固

皇圖繪輿圖


廣宗縣誌序

分對圖

礪石四星黑在卷舌東



天詭一星黑在舌中




卷舌六星赤在昴北

○月星一星黑在昴東




天陰五星黃在月星下




昴十二度三十分

○天河一星黑在昴西



天苑

芴藁六星黑在天苑東



天苑十六星赤在昴南

昴宿赤其下九尺爲日月五星中道天之耳目也
按晉天官志屬昴三度


北至鉅鹿縣界十四里

里二十界縣

正北

正西

正南



南至縣界十五里

正東

正西

正北

正南

練城圖

